

搜玉小集姓氏總目

原本目錄今訂正

崔 湜四首

或刺五首攷誤入崔顥
一首今刪去仍四首

韓 休一首

胡 鵠一首


或作胡皓向
缺今亦無攷

裴 灌一首

劉希夷三首

賀 朝一首

屈 同一首



鄭 情三首

楊 炯一首

徐彥伯四首

虞照鄰一首

東方虬一首

郭元振一首

駱賓王一首

崔 顥一首

向誤崔凝
命訂入

劉允濟一首

喬知之二首

沈佺期四首

張 炫一首

宜作張法
今訂正

徐 晶一首

或誤徐晶。向
多一首今仍之

王泠然二首

許景先一首

宋之問四首

或刻十首攷誤入魏徵二首
陳子昂一首崔融一首今悉

國家圖書館 NATIONAL CENTRAL LIBRARY TAIWAN, R.O.C.

謝去游
六首

王 翰一首 向缺今亦無致

杜審言一首

劉幽求一首

魏徵二首 向俱誤宋之問今訂入

陳子昂一首 向誤宋之問今訂入

王 勃一首

蘇味道一首

王 諷一首

徐 璧一首

余延壽一首

張 諤三首

李澄之一首 向關今亦無致

李 嶠二首

崔 融五首 向缺三首致一首誤刻宋之問今訂入仍缺二首

凡三十七人共六十三首 今三十四人共六十一首

國家圖書館 NATIONAL CENTRAL LIBRARY TAIWAN R.O.C.

搜玉小集姓氏總目

搜玉小集目錄

奉和御製白鹿觀

崔湜

奉和御製平胡

裴漼

同前

韓休

西征軍行遇風

崔融

塞垣行

崔湜

大漠行

前人

將軍行

劉希夷



從軍行

賀朝

燕歌行

屈同

塞外

鄭愔

紫騮

楊炯

胡無人行

徐彥伯

王昭君

盧照隣

同前

東方虬

同前

郭元振

晚度天山有懷京邑

駱賓王

送公主和戎

徐彥伯

古意

崔顥

酬杜麟臺春思

崔湜

春閨

徐彥伯

怨情

劉允濟

春怨

鄭愔

春閨

沈佺期

秋閨

鄭愔

古意

沈佺期

閨怨

徐彥伯

怨辭

張法

秋閨

喬知之

擣衣篇

劉希夷

題河邊枯柳

王泠然

折柳篇

許景先

長信宮樹

喬知之

同蔡孚五亭詠

徐晶

阮公體

前人

贈蘇管記

杜審言

溫泉莊臥疾寄楊七炯

宋之問

述懷

魏徵

算秋言懷

前人

白帝懷古

陳子昂

國家圖書館 NATIONAL CENTRAL LIBRARY TAIWAN R.O.C.

書懷

劉幽求

桂陽三日述懷

宋之問

七日升高

王勃

觀燈

蘇味道

夜遊

沈佺期

觀燈

王諲

夜光篇

王泠然

催粧

徐璧

翦絲

沈佺期

人日翦絲

余延壽

三日岐王宅

張諤

滿月

前人

太平公主山亭侍宴應制

李嶠

岐王席上詠美人

張諤

汾陰行

李嶠

代白頭吟

劉希夷

明河篇

宋之問

韋長史挽歌

崔融

度大庾嶺

宋之問

過蠻洞

前人

登越王臺

前人

詠寶劍

崔融

抄玉小集目錄終

國家圖書館, NATIONAL CENTRAL LIBRARY, TAIWAN, R.O.C

搜玉小集

奉和御製白鹿觀

成什
鄭情

崔湜

御旗探紫籙仙仗闢丹丘捧藥芝童下焚香桂女
留鸞歌無歲月鶴語記春秋臣朔何其幸常陪漢
武遊

奉和御製平胡

裴漼

玄漢聖恩通由来書軌同忽聞窺月滿相聚寇雲
中廟略占黃氣神兵出絳宮將軍行逐虜使者亦

和戎一舉輜輶滅再麾沙朔空直將威禁暴非用
武為雄飲至明軍禮疇勲錫武功干戈還載戢文
德在唐風

同前

韓休

南牧正紛紛長河起塞氛玉兵徵選士金鉞拜將
軍疊鼓搖邊吹連旌暗朔雲妖星乘夜落害氣入
朝兮始見幽烽警俄看烈火焚功成奏凱樂戰罷
策歸勲盛德陳清廟神謨屬大君叨榮逢偃伯率

舞詠時文

西征軍行遇風

崔融

北風捲塵沙左右不相識颼颼吹萬里昏昏同一
色馬煩莫敢進人急未遑食草木春更悲天景晝
相匿夙齡慕忠義雅尚存孤直覽史懷浸驕讀詩
歎孔棘及茲戎旅地忝從書記職兵氣騰北荒軍
聲振西極坐覺威靈遠行看祲氣息愚臣何以報
倚馬申微力

塞垣行

崔湜

疾風捲溟海萬里揚沙礫仰望不見天昏昏竟朝
夕是時軍兩進東拒復西敵蔽山張旗鼓聞道潛
鋒鏑精騎突晚圍奇兵襲暗壁十月邊塞寒四山
江陰積雨雪雁南飛風塵景西迫昔我事討論未
嘗怠經籍一朝棄筆硯十年揉矛戟豈要黃河誓
須勒燕然石可嗟牧羊臣海上久為客

大漠行

前人

單于犯薊堧驃騎略蕭邊南山木葉飛下地北海
蓬根亂上天科斗連營太原道魚麗合陣武威川
三軍遙倚仗萬里相馳逐旌旆悠悠靜瀚源鼙鼓
喧喧動盧谷窮徼出幽陵吁嗟倦寢興馬蹄凍溜
石胡毳暖生冰雲沙泱泱天光閉河塞陰沈海色
凝崆峒異國誰能託蕭索邊心常不樂近見行人
畏白龍遙聞公主愁黃鶴陽春半岐路間瑤臺苑
玉門關百花芳樹紅將歇二月蘭皋綠未還陣雲

不散魚龍水雨雪猶飛鴻雁山山障連綿不可極
路遠辛勤夢顏色北堂萱草不寄來東園桃李長
相憶漢將紛紛攻戰盈胡寇蕭條幽朔寧韓君拜
節偏知遠鄭吉驅旌坐見迎火絕煙沈右西極谷
靜山空左北平但使將軍能百戰不須天子築長
城

將軍行

劉希夷

將軍闢轅門耿介當風立諸將欲言事逡巡不敢

入劍氣射雲天鼓聲破原隰黃塵塞路起走馬追
兵急彎弓從此去飛箭如雨集截圍一百重斬首
五千級代馬流血死胡兵抱鞍泣古來養甲兵有
事常討襲乘我廟堂運坐使干戈戢獻凱還帝京
軍容何翕習

從軍行

賀朝

朔胡燄月寇邊城軍書插羽刺中京天子金壇拜
飛將單于玉塞振佳兵騎射先鳴推任俠龍韜決

滕佇時英聞有河湟客
悵悵理帷帟常山啓霸圖
汜水先天策銜珠浴鐵向
桑乾纛旗膏鼓指烏丸
鳴雞已報關山曉來雁
遙傳沙塞寒直為寸心從
苦節隴頭無水長嗚咽
遶樹蕭蕭不覺春天山漠
漠長飛雪魚麗陣接塞
雲平雁翼營通海月明始
看晉幙飛鶴入旋聞齊壘
啼烏聲自從一戍燕支
山春光幾度晉陽關
金河未轉青絲騎玉筋
應啼紅粉顏鴻歸燕相
逐池邊芳草綠已見氛
清細柳

營莫更春歌落梅曲
烽沈竈滅靜邊亭
海晏山空肅已寧
行望鳳京旋凱捷
重來麟閣画丹青

燕歌行

已見國秀集
異同註明

屈同

漁陽八月塞草腓
征人相對併思歸
雲和朔氣連天暗
蓬雜驚沙散野飛
此時天地陰埃徧
瀚海龍城皆血戰
兩軍鼓角暗相聞
四面旌旗看不見
昭君遠嫁已年多
戎狄無厭尚不和
漢兵候月秋防塞
胡騎乘冰夜渡河
河塞東西萬餘里
地與京華

不相似燕支山上少光輝
黃沙磧裡無流水金戈
玉劔十年征紅粉青樓多怨情
厭得殊方久為別
秋來但聽擣衣聲

塞外

鄭 情

荒壘三秋夕窮郊萬里平
海陰凝獨樹日氣下連
營戎旆霜疑重邊裘寒更輕
將軍猶轉戰都尉不
成名折柳悲春曲吹笳斷夜聲
明年漢使返須築
受降城

紫騮

楊 炯

俠客重周遊金鞭控紫騮
蛇弓白羽箭鶴轡赤茸
鞞發跡來南海長鳴向北州
匈奴今未滅畫地取
封侯

胡無人行

徐彥伯

十月繁霜下征人遠鑿空雲
搖錦車節海照角端
弓暗雪埋沙樹衝飈卷塞蓬
方隨膜拜入歌舞玉
門中

王昭君

盧照隣

合殿恩中絕交河使漸稀
肝腸隨玉輦形影向金
徽漢宮草應綠胡庭沙
正飛願逐三秋雁年年一
度歸

同前

東方虬

漢道方全盛朝廷足武臣
何須薄命妾辛苦事和
親

同前

郭元振

聞有南河信傳言殺画師
始知君念重更肯惜蛾
眉

晚度天山有懷京邑

駱賓王

忽上天山望依然想物華
雲疑上苑葉雪似御溝
花行歎戎麾遠坐令衣帶
賒交河浮絕塞弱水浸
流沙旅思徒漂梗歸期未
及瓜寧知心斷絕夜夜
泣胡笳

送公主和戎

徐彥伯

鳳哀憐簫曲鸞惟念掌珍虜庭遙築館漢使遠
親星去銀河夕花移玉樹春聖情淒割愛駐驛望
征塵

古意

向諤
崔湜

崔顥

十五嫁王昌盈盈出画堂自矜年正少復倚墻為
郎舞愛前溪綠歌憐午夜長閑時鬪百草度日不
成粧

酬杜麟臺春思

崔湜

春還上林苑花滿洛陽城鴛衾夜凝思龍鏡曉含
情憶夢殘燈落離魂暗馬驚可憐朝與暮樓上獨
盈盈

春閨

徐彥伯

戍客戍清波幽閨幽思多暗梁聞語燕夜燭見飛
蛾寶匣藏脂粉金屏綴綺羅裁衣卷紋素織錦度
鳴梭有使通西極緘書寄北河年光只恐盡征戰
莫蹉跎

怨情

劉允濟

玉關芳信斷蘭閨錦字新
愁來不自抑念切已含
嚙虛牖風驚夢空床月
厭人歸期倘可促勿度柳
園春

春怨

鄭愔

春朝物候妍愁婦鏡臺前
風吹數蝶亂露洗百花
鮮試出塞羅幌還來著錦
筵曲中愁夜夜樓上別
年年不及隨蕭史高飛向
紫煙

春閨

沈佺期

汗馬三軍去流鶯二月還
邊愁行上國春夢度陽
關池水琉璃淨園花玳瑁
斑歲華空自擲憂思不
勝顏

秋閨

鄭愔

征客向輪臺幽閨寂不開
音書秋雁斷機杼夜蛩
催虛幌風吹葉閑階露濕
苔自憐愁思影共作月
徘徊

古意

沈佺期

盧家少婦鬱金堂
海燕雙棲玳瑁梁
九月寒砧催木葉
十年征戍憶遼陽
白狼河北音書斷
丹鳳城南秋夜長
誰為含愁獨不見
更教明月照流黃

閨怨

國秀集作孤獨歎

徐彥伯

切切夜閨冷
微微孤燭燃
玉盤紅淚滴
金燼彩光圓
暖手縫輕素
頰蛾續斷絃
相思咽不語
回向錦屏眠

怨辭

向誤張炫或刻張松

張松

去年離別雁初歸
今日裁縫螢已飛
征客未來音信斷
不知何處寄邊衣

秋閨

喬知之

南庭結白露
北風掃黃葉
此時鴻雁來
驚鳴催思妾
曲房理針線
平砧擣紋練
鴛綺裁已成
龍鄉信難見
窈窕九重閨
寂寞十年啼
紗窗白雲宿
羅幌月光栖
雲月隱微微
夜上流黃機
玉霜凍珠履
金

吹薄羅衣漢家已得地君去將何事宛轉結蚕書
寂寥無雁使平生荷恩信本為容華進况復落紅
顏蟬聲催白鬢

擣衣篇

劉希夷

秋天瑟瑟夜漫漫夜白風清玉露團燕山遊子衣
裳薄秦地佳人閨閣寒欲向樓中縈楚練還來機
上裂齊紈攬紅袖兮愁徒倚盼青砧兮悵盤桓盤
桓徒倚夜已久螢火雙飛入簾牖西北風來吹細

腰東南月暎浮織手此時秋月可憐明此時秋風
別有情君看月下參差影為聽莎間斷續聲絳河
轉兮青雲晚飛鳥鳴兮行人少攢眉緝縷思紛紛
對影穿針魂悄悄聞道還家未有期誰憐登隴不
勝悲夢見形容亦舊日為許裁縫改昔時絨書遠
寄交河曲須及明年春草綠莫嫌衣上有斑斑只
為思君淚相續

題河邊枯柳

王泠然

隋家天子憶揚州，厭坐深宮傍海陬。
穿地鑿山開御路，鳴笳疊鼓汎春流。
流從鞏北河分口，直到淮南種官柳。
功成力盡人旋亡，運謝年移樹空有。
當時綵女侍君王，帳殿旌門對柳行。
青葉交垂連幔色，白花飛散染衣香。
今日摧殘何用道，數里曾無一株好。
驛騎江帆損更多，山精野鬼藏應老。
深秋九月露為霜，日夜孤舟入帝鄉。
河畔時時鬪落葉，客中無箇不霑裳。

折柳篇

許景先

春色東來渡灞橋，青門垂柳百千條。
垂柳西連建章路，漢家禁苑紛無數。
縈花始徧合歡枝，遊絲半罥相思樹。
秦樓初日照南隅，柔條垂綠暎金鋪。
寶釵新梳髮鬢髻，錦帶交垂連理襦。
自憐柳塞淹戎幕，銀燭長啼愁夢著。
芳樹朝催玉管新，春風夜染羅衣薄。
城頭楊柳已如絲，今年花落去年時。
折芳遠寄相思曲，為惜容華難再持。

長信宮樹

喬知之

阿娜當軒樹
芊芊倚蘭殿
葉暎九春華
香搖五明扇
餘花鳥
哢盡新葉蟲
書徧零落
容自知
芬芳君不見

同蔡孚五亭詠

徐晶

章奏中京罷
雲容別業歸
拂琴鋪野席
牽柳挂朝衣
翡翠巢書幌
鴛鴦立釣磯
幽栖可憐處
春事滿林扉

阮公體

前人

秦土按劔怒
發卒戍龍沙
雄圖尚未畢
海內已紛拏
黃塵暗天起
白日歛精華
唯見長城外
僵屍如亂麻

贈蘇管記

杜審言

北地寒應苦
南庭戍不歸
邊聲亂羗笛
朔氣卷戎衣
雨雪關山暗
風霜草木稀
胡兵戰欲盡
虜騎獵猶肥
雁塞何時入
龍城幾度圍
據鞍雄劍動
搖筆

羽書飛輿駕還京邑朋游滿帝畿方期稟獻凱歌
舞共春暉

溫泉莊卧疾寄楊七炯

宋之問

移疾臥茲嶺寥寥倦幽獨賴有嵩高山高枕長在
目茲山樓靈異朝文翳雲族是日濛雨晴反景入
岩谷伊洛何悠漫川原信重複夏餘鳥獸蕃秋末
禾黍熟秉願守樊圃歸閑欣藝牧惜無載酒人徒

把涼潭菊

考反景句下有暮暉
木此意方無窮環顧

青青山下
四句可補

述懷

魏徵

中原初逐鹿投筆事戎軒縱橫計不就慷慨志猶
存杖策謁天子驅馬出關門請纓繫南越憑軾下
東藩鬱綠陟高岫出沒望平原古木吟寒雁空山
啼夜猿旣傷千里目還驚九死魂豈不憚艱險深
懷國士恩季布無二諾侯嬴重一言人生感意氣
功名誰復論

算秋言懷

上一首向
誤宋之問

前人

首夏別京輔杪秋滯三河沈沈蓬萊閣日久鄉思
多霜剪涼地蕙風捎幽渚荷歲芳坐淪歎感此式
徵歌

白帝懷古

向誤宋
之問

陳子昂

日落滄江晚停橈問土風城臨巴子國臺沒漢王
宮荒服仍周甸深山尚禹功巖懸青壁斷地險碧
流通古木生雲際歸帆出霧中川途去無限客思
坐何窮

書懷

劉幽求

心為明時盡君門尚不容田園迷徑路歸去路何
從

桂陽三日述懷

宋之問

代業京華裏遠投魍魎鄉登高望不極雲海四茫
茫伊昔藥休眄常為人所羨兩朝賜顏色二紀倍
歡宴昆明宿昔遇龍媒伊闕天泉復幾回西夏黃
河水心劔東周清洛羽觴杯苑中落花掃還合河

畔垂楊撥不開千春萬壽多行樂柏梁和歌攀春
作賜金兮帛奉恩輝風舉雲搖入紫微晨趨北關
朝天去夜出南宮把燭歸載筆儒林多歲月襟被
文昌事吳越越中山海高且深興來無處不登臨
永和九年佐海郡暮春三月醉山陰愚謂嬉遊長
似昔不言流寓歎成今始安繁華舊風俗帳飲傾
城沸江曲主人管絃清且悲客子肝腸斷還續荔
浦蘅臯萬里餘洛陽音信絕能疎故園今日應愁

思春水何人更被除
逐伴誰憐合浦葉
思歸不食桂江魚
不求漢吏金囊贈
願得家人錦字書

九日升高

王勃

九月九日望鄉臺
他席他鄉送客盃
人今已厭南中苦
鴻雁那從北地來

觀燈

蘇味道

火樹銀花合星橋鐵鎖開
暗塵隨馬去明月逐人來
遊伎皆穠李行歌盡落梅
金吾不禁夜玉漏莫

相催

夜遊

沈佺期

今夕重門啓遊春得夜芳月華連晝色燈影雜星
光南陌青絲騎東隣紅粉粧管絃遙辨曲羅綺暗
聞香人擁行歌路車攢闐舞場經過猶未已鐘鼓
出長楊

觀燈

王 諷

暫得金吾夜通看火樹春停車傍明月走馬入紅
塵妓雜歌偏勝塲移舞更新應須盡記取說向不
來人

夜光篇

王 泠然

遊人夜到汝陽間夜色冥濛不解顏誰家暗起寒
山燒因此明中得見山山頭山下須臾滿厯險緣
深無暫斷焦聲散着群樹鳴炎氣傍臨一川暖是
時西北多海風吹上連天光更雄燭煙熏月黑高
焰藝雲紅初謂鍊丹仙竈裏還疑鑄劍神溪中劃

為飛電來照物乍作流星併上空西山無草光已滅東頂熒熒猶未絕沸湯穹吞數道水融蓋陰崖幾年雪兩京貧病若為居回壁皆成鑿照餘未得貴遊同秉燭唯將半景借披書

催粧

徐璧

傳聞燭下調紅粉明鏡臺前別作春不須滿面渾粧却留著雙肩待画人

翦絲

沈佺期

宮女憐芳樹裁花競早榮寒依刀尺盡春向綺羅生弱帶盤絲發香鞋結素成纖枝幸不棄長就玉階傾

人日翦絲

余延壽

閨婦持刀坐自憐裁翦新葉催情綴色花寄手成春帖燕留粧戶黏雞待餉人擎來問夫壻何處不如真

三日岐王宅

張諤

玉女貴妃生嬰媿始發聲金盆浴未了綉子繡初
成翡翠雕芳褥真珠帖小纓何時學健步鬪取落
花輕

滿月

前人

社金流茂社庭玉表奇才竹似回談植蘭疑入夢
栽烏將八子去鳳逐九雛來今夜明珠色當隨滿
月開

太平公主山亭侍宴應制

李嶠

黃金瑞榜絳河隈白玉仙輿紫禁來碧樹青岑雲
外聳朱樓画閣水中開龍舟下瞰鮫人室羽節高
臨鳳女臺遽惜歡娛歌吹晚揮戈更却曜靈回

岐王席上詠美人

張諤

半額画雙蛾盈盈燭下歌玉盃寒意少金屋夜情
多香豔王兮帖裙嬌勅賜羅平陽莫相妬喚出不
如他

汾陰行

李嶠

君不見見昔日西京全盛時
汾陰后土親祭祠
齊宮宿寢設儲供
撞鐘鳴鼓樹羽旗
漢家四葉才且雄
賓延萬靈服九戎
栢梁賦詩高宴罷
詔書法駕幸河東
河東太守親掃除
奉迎至尊導鑾輿
五營夾道列容衛
三河縱觀空里閭
回旌駐蹕降靈場
懷楸奠桂邀百祥
金鼎發色正焜煌
明祗煒燁擴景光
埋玉陳牲禮神畢
舉麾上帝乘輿出
彼汾之曲佳可遊
木蘭為楫桂為舟
棹歌微吟彩鷁浮
簫鼓

哀鳴白雲秋歡娛宴賜洽
群后家家復除戶
牛酒聲明動天樂
無有千秋萬歲南山壽
自從天子向南關
玉輦金車不復還
珠簾翠羽長寂寞
鼎湖龍髯何處攀
千年人事一朝空
四海為家此路窮
雄豪意氣今何在
壇場宮觀盡蒿蓬
道傍古老長歎息
世事回環不可識
昔時青樓對歌舞
今日黃埃聚荆棘
山川滿目淚霑衣
富貴榮華能幾時
不見即今汾上水
唯存年年秋雁飛

代白頭吟

或刻宋之問集

劉希夷

洛陽城東桃李花飛來飛去落誰家
洛陽女兒惜顏色行逢落花長歎息
今年花落顏色改明年花開復誰在
已見松柏摧為薪更聞桑田變成海
古人無復洛城東今人還對落花風
年年歲歲花相似歲歲年年人不同
寄言全盛紅顏子須憐半死白頭翁
此翁白頭真可憐伊昔紅顏美少年
公子王孫芳樹下清歌妙舞落花前
光祿池臺文錦繡

將軍樓閣畫彩仙一朝臥病無知己
三春行樂在筆邊宛轉蛾眉能幾時
須臾鶴髮亂如絲但看古來歌舞處
唯有黃昏鳥雀悲

明河篇

宋之問

八月涼風天氣晶萬里無雲河漢明
昏見南樓清且淺曉落西山縱復橫
洛陽城闕天中起長河夜夜千門裏
複道連甍共蔽虧畫堂瓊戶特相宜
雲母帳前初沆瀣水精簾外轉逶迤
倬彼昭回如練

白復出東城接南陌南陌征人去不歸誰家今夜
擣寒衣鴛鴦機上疎螢度烏鵲橋邊一雁飛雁飛
螢度愁難歇坐見天河傾漸沒已能舒卷任浮雲
不惜光輝讓流月明河可望不可親願得乘槎一
問津更將織女支機石還訪成都賣卜人

韋長史挽歌

崔融

日暮桑榆下寒生松柏中冥冥多苦霧切切有悲
風京兆新阡合扶陽甲第空郭門從此去荊棘漸

蒙籠

度大庾嶺

宋之問

度嶺方辭國停輶一望家魂隨南翥鳥淚盡北枝
花山雨初含霽江雲欲變霞但令歸有日不敢恨
長沙

過蠻洞

前人

越嶺千重合蠻溪十里斜竹迷樵子徑萍匝釣人
家林暗交楓葉園香覆橘花誰憐在荒外孤賞足

雲霞

登越王臺

前人

江上越王臺登高望幾回南冥天外合北戶日邊
開地濕煙常起山晴雨半來冬花埽盧橘夏果摘
楊梅跡類雲翻枉人非賈誼才歸心不可度白髮
徒相催

詠寶劍

向誤宋
之問

崔融

寶劍出昆吾龜龍夾彩珠五精初獻術千戶競淪

都匣氣衝牛斗山形轉輓轡欲知天下貴持此問
風胡

按通志通考撰法搜玉一集延唐人送當時
名士詩俱不載何人部署共計三十七人詩
六十三首第其中先後不倫彼此相混如玄
成諸君子互虛一二而延清輩又為採二三
甚者名存詩逸胡鵠三人更可訝也間閱唐
紀事諸書洎宋元舊冊因考其世次稍及章

句如十五婦王昌一首北海北為小兒冬禮
玉令時之逼人久混崔澄瀾司熱氏寧不叫
屈浦如此類未及志舉若逆張法誤張炫徐
晶誤徐晶其語姓氏隨點次釐正謹列目次
於首以誌覽古者無加詳言次原上巳日湖
南毛晉記

搜玉小集